

و ألقى السحرة ساجدين | #نور_على_نور | د. حازم شومان

حازم شومان

ولك الملك كله وبيدك الخير كله والييك يرجع الامر كله. اللهم صل على عبدك ونبيك محمد صل الله عليه وسلم. في الاولين والاخرين وفي كل اخت وحين. اما بعد اخوانى واحبابى في الله اللي ظهرو مش تعان يجي يقعد قدامي. اللي ظهره مش تعان ما -

00:00:01

على الحيطة يا اخوانى خلينا كده نأخذ الامر بجد كده خذوا ما اتيتكم بقوه مش بانتخه وسند يعني اذا كنا سندين على الحيطة بصوا احنا بنسمع الكلام امال اما نيجي نطبقه هنعمل ايه؟ النهاردة ان شاء الله بازن الله يعني جلسة ماراثونية. لأن احنا هنتكلم عن حوالي خمس او ست صفحات من -

00:00:21

سورة الاعراف قصة موسى في سورة الاعراف باذن الله سبحانه وتعالى وطبعا في معالم في طريق الالتزام كده اي حد قرأ القرآن ويسلم قلبه للقرآن هو انا قلت باسم الله والصلوة والسلام على رسول الله. طب نقول تاني باسم الله والصلوة والسلام على رسول الله. الحمد لله باسم الله اوله وآخره. في يعني مواطن في القرآن -

00:00:41

كده ما فيش انسان بيعدي على القرآن ويسلم له قلبه الا ولازم المواطن دي تترك قلبه زي ايات احده مسلا في سورة ال عمران. دي ايات لازم تأسرك اول ما تقرأها. من الایات القوية جدا في القرآن ايات موسى في سورة الاعراف. ايات يعني بتبيين لك ازاي الایمان بينتصر -

00:01:01

مهما كانت مقومات الحق ضعيفة في الواقع. اوعى تيأس او عى تحبط. اوعى تقول زي بنى اسرائيل او زيننا من قبل ان تأتينا. ومن بعد ما جئتنا. ما فيش فايدة ما فيش فايدة هو الواقع ده هيفضل جازم. اوعى تظن ان الله ليس قادر على ان يغير الظالمين. وعلى ان يغير الطواغيت. اوعى تظن ان ربنا -

00:01:21

مش قادر انه يصلح الواقع. اوعى تظن هزا ابدا مهما خيم الظلم. ومهما ساد الظالمين في فترة من الفترات. ومهما كل يوم بقيت بتسمع عشرين او تلاتين خبر جداد. بيقولوا لك قد ايه الظلم بيزيد اكتر وبيتمكن اكتر. وبياخد اراضي اكتر. اوعى تيأس -

00:01:41

قصة موسى في سورة الاعراف قصة باهرة عن كيفية بناء الدعوات. ازاي دعوات ما بتتبناش بالساحل؟ ازاي تحرير اهل الدين من سيطرة الظالمين دي مش مرحلة سهلة. وبعد كده اهل الدين لما بيتحرروا هم نفسهم بيبقى وقع في نفوسهم من صفات العبودية -

00:02:01

فترات الذل صفات شنيعة. فيبدأ رحلة تانية ومعركة تانية من اجل استصلاح النفوس المتدينة نفسها لواقع الذل وواقع الظلم وواقع القهر اسر عليها. هببدأ بازن الله من اول اية ستة وتسعين -

00:02:21

اية ستة وتسعين بتقول ايه ها؟ يلا مين قصادي تلاتة وستين؟ اية ستة وتسعين في سورة الاعراف. سورة الاعراف. عايزين نبقى من اعراف الدنيا كده مش من اعراف الاخرة يعني مش نيجي نتصدم في الاخرة ونعرف الحقائق في الاخرة. سورة الاعراف بتفهمك الحقائق اللي تخليك من اعراف الدنيا من الناس اللي فاهمة -

00:02:40

وعارفة الموضوع صح عندها معرفة حقيقة بالحق والباطل من وهي في الدنيا. اية ستة وتسعين بتقول ايه ان اهل القرى النهاردة زي ما بقول لكم دي جلسة ماراثونية. فطبعا هنعني على كثير من الایات بسرعة بس بحيس ان احنا نفهم ايه السياق. انا بادى لكم بازن الله سبحانه وتعالى من قبل -

00:03:00

قصة موسى بحوالي صفحة الاربع كده. ولو ان اهل القرى امنوا واتقوا لفتحنا عليهم برکات من السماء والارض برکات طب ما يعني

يعني ايه فتحنا عليهم بركات من السماء والارض؟ يعني الناس لو بدل ما تقابل نعم ربنا بالمعصية وبدل ما تقابل - 00:03:20
وحي ربنا بالعناد والتكبر والاعراض. لو الناس اقبلت على الله سيفتح عليهم من الخير ما لا يتخيله احد. وما لا وما لم يعهد في امة من الامم قبلهم. هنطيجي حاجات عليها الختمة الرباني اللي فتحنا البركات مش معناها ان الاكل بس يبقى فيه بركة. المشاعر - 00:03:40

يبقى فيها بركة. البيوت يبقى فيها بركة. العيال والزرية يبقى فيها بركة. الشهادة اللي بتاخدها في ايديك مش تاخدها تعلقها على الحيطه. اخرك تتجوز بها الشهادة يبقى فيها بركة. المعلومة اللي تقرها في الدين او في الدنيا يبقى فيها بركة. يبقى فيها بركة. يا ما اختراعات في الامة الاسلامية زمان كانت بسبب معلومة - 00:04:00

واحدة وتؤدي بعد هذا الاختراع. العلاقات الایمان بتاعك يبقى فيه بركة يبقى الحياة كلها فيها بركة. انما احنا دلوقتي حياة منزوعة البركة البركة خرجت ولم تعد طب ما في امم يا اخي مسلمة وما فيش بركات من السماء والارض ربنا قال امنوا واتقوا. يبقى حققوا - 00:04:20

دين بحق وحقيقة الدين مش مزاهر الدين مش مجرد اشكال للتدين الدين حقيقة عشان كده سيدنا ابراهيم بيقول لربنا ربنا واجعلني مسلمين لك ومن ذريتنا امة مسلمة لك. طب يعني ايه ؟ سيدنا ايه يا رب خليني مسلم لا الله الا الله محمد رسول الله. انا بقيت مسلم. يا عم انت - 00:04:40

اه مش فاهم القضية. انت مش فاهم القضية. انت متهيأ لك ان الكلمة دي انت بها حفقت الاسلام لله. لا ده الاسلام لله ده. الاسلام استسلام ان واحد طلع مسدس في وش واحد ارفع ايديك ارفع ايديك اديني ضهرك امشي قدامي. يمين شمال ده الاستسلام الاسلام انك انت تتفض في - 00:05:00

كل كليات وجزئيات حياتك طوعا وليس كرها. لله سبحانه وتعالى انك انت قبل ما بتتجوز بتشوف الدين قال ايه في الجواز؟ قال ايه في اختيار الزوجة قبل ما بتختلف بتشوف الدين قال ايه في العيال وتربيه العيال. لما بتتشاكل مع زوجتك بتشوف الدين قال ايه في الخلافات الزوجية. لما بتطيجي تشتغل - 00:05:20

بتشوف الدين قال ايه في المعاملات الاسلام لله ان حياتك كلها بقيت راجع فيها لله سبحانه وتعالى. ولو ان اهل القرى امنوا واتقوا لفتحنا فتحنا معناه ان فيه ابواب كتير او يبس مففولة. مففولة فانت متهيأ لك ان ما فيش ابواب رزق. لأ ده فيه ابواب كتير جدا. بس كلها مقلة مقلة بالزنوب - 00:05:40

فتحنا عليهم بركات من السماء والارض. ولكن كذبوا فاخذناهم بما كانوا يكسبون. اؤمن اهل القرى ان يأتيهم بأسنا بياتا وهم نائمون. من اللي يؤمن عقوبة ربنا؟ مين اللي يؤمن؟ غارت الله. مين اللي يؤمن غارة الله على البشر؟ ده انت كبني ادم وانت في قمة صحتك - 00:06:00

ميكروب لا يرى بالعين المجردة لو جه هجم عليك بييجيبك في الارض وممكن يموتك. في خلال ايام. ميكروب لا يرى حشرة واحدة تهجم على انسان تجib له ملاريا وتجib له امال مالك الملك سبحانه وتعالى. ان ان كانت الغارة من الله سبحانه وتعالى. انسان يعمل ايه في ضمرة - 00:06:20

ربنا وقدام قدرة ربنا اؤمن اهل القرى ان يأتيهم بأسنا بياتا وهم نائمون فاضعف لحظة عندي واغفل لحظة عندي لا تأمن ان عقوبة ربنا على المعاشي تنزل. او اؤمن اهل القرى ان يأتيهم بأسنا ضحي وهم يلعنون. وانت بتلعب بس يا رب - 00:06:40

الناس الضحي ما بتلعيش الناس تسعه الصبح وعشرة الصبح طحنة دنيا. واللي قاعد بيبني عمارة واللي قاعد يعمل كل ده من غير ما يكون وجهته كل ده لعب. اي اعمار في الدنيا اي تربية اي نهضة. اي بناء اي حضارة. اي ناطعة سحاب اي اختراع يتاخد عليه - 00:06:59

نوب اى اكتشاف علمي اى تجارة اى سعي ورا شهادة او دكتوراة او ماجستير او زمالة او بورد اى مذاكرة اى محاضرة اى سكشن اى واحد بيensus في هز الدنيا مهما كان لو ليس لاجل الله فانما هو - 00:07:19
بيلعب لان كل ده بلا مقصود في النهاية. فالايه هو اللعب؟ اللاعب ان الواحد من غير انت بتعمل كده ليه؟ برفع عن نفسي. يعني ايه

ما فيش مقصداً انا - 00:07:39

بس يعني بخف عن نفسي الحمول والضغوط بتاعة الدنيا. ايوة امن اهل القرى ان يأتاهم بأسنا ضحي وهم يلعبون. اوعى تلعب. اوعى تضيع حياتك اللعب اي حاجة في حياتك حتى مراكتك. حتى شهادتك حتى رياضتك لعبك للرياضة لا تربطك - 00:07:49
ان مقصودة والله فانما هي لعب. افأمنوا مكر الله فلا يأمن مكر الله الا القوم. الخاسرون. يعني ايه مكر الله
اجر الله اي استدراج الله. يعني ايه؟ يعني ان يعطيك الله النعم وانت تعصيه. هو ده مكر الله. مكر الله - 00:08:09
ان يزداد العبد في المعصية فيزداد الرب في النعمة. فهذا استدراك ده مكر. ده مش معناه ان ربنا بيحبه. ده مش معناه لازم تشخص
لازم تقرأ الرسائل الربانية صح. مش كل حاجة حلوة تبقى معناها ان ربنا راضي عنك. زي النهر بتاع جيش طالوت وداود - 00:08:29

اه في ناس كتير اوي قالت ما الله اكبر. ربنا تقبل جهادنا وبعث لنا نهر في الطريق عشان احنا جاهدنا وهو مراد ربنا انه ما يدوقوش
اصلا مراد ربنا ان ما وقفش عنده اصلا لازم تشخص. امتى الدنيا لما بتيجي بتبقى اسر للطاعة؟ وربنا سبحانه وتعالى بيكرمك
بطاعتكم. وامتنى الدنيا لما - 00:08:49

تيجي بتبقى رسالة غضب من الله. ورسالة مكر من الله. بقى انت بتعصي وانت الدنيا لما بتيجي بيبقى مراد ربنا انه لا تلتفت لها اصلا
وهي مجرد امتحان. امتحان من ربنا مش زي النهر بتاع طالوت كده. مراد الله الا تقف عنده اصلا - 00:09:09
كل ده على حسب حالك. انت حالك مع الله ايه؟ انت عبادتك مع الله ايه؟ انت اورادك مع الله ايه؟ افأمنوا مكر
الله فلا يأمن مكر الله الا القوم الخاسرون. اولم يهدي للذين يرثون الارض من بعد اهلها. ان لو نشاءوا اصبنهم بذنبهم ونطبع - 00:09:29

قلوبهم فهم لا يسمعون. الطبعة لقد او لم يهد للذين يرثون الارض من بعد اهلها. يا عم انت نفس الشارع ده كان فيه ناس معدية
وجيل قبلك عايش فيه. ونفس المنصورة دي من من سبعين سنة كان فيها ناس تانية خالص غيرك. وبيتك اللي انت ساكن فيه ده
غالباً كان فيه ناس - 00:09:49

ساكنة غيرك اصلا. انت كل حاجة انت ماشي فيها انما كان فيها ناس قبلك. انت الكلام ده ما وقفش. اولم يهدي للذين يرثون
الارض من بعد كان في ناس مالية الدنيا حركة. كل ده راح. انت الوقتي مستخلف من الله. انت الوقتي اسمك على السبورة بتاعة
الدنيا. زي ما اللي قبلك اسمهم اتمسح ببصورة - 00:10:09

انت اسمك بعد شوية يتمسح ببصورة الموت. انت كمان هتلحق تعمل ايه لربنا؟ قبل ما ملك الموت يمسح اسمك من على سبورة
الدنيا الموت ونطبع على قلوبهم الطبع عارف لما طبيعة القلب تتغير لما انت جواك فطرة وجواك طبيعة بتشدد لربنا لما الطبع يفسد
بقي ونطبع - 00:10:29

وعلى قلوبهم والعياذ بالله لما القلب بيفسد اشد اشد عقوبة قلبية هي الطبع. الطبع بعد كده الختم بقى الختم خلاص الجواب قفل
والختم نزل وما عدش ينفع يتفتح. الطبع ان انت زي ما السيف كده يملؤه الصدأ بيقى طبع على السيف. خلاص - 00:10:54
قلبك صدة من جوة والعياذ بالله. قلبك فسد. والعياذ بالله. القلب بقى بطبعته المعصية وطبعته. فهو مش
حاسس باي اشكال هو مش حاسس بان فيه ايه حاجة غريبة في معصيته لله. سبحانه وتعالى ونطبع على قلوبنا نعوذ بالله من عقوبة
الطبع. لأنها من اشد العقوبات القلبية - 00:11:14

فهم لا يسمعون خلاص خلصت. تلك القرى شفت بقى من اول لقد ارسلنا نوحا في سورة الاعراف. وبعد كده قصة شعيب وقصة. تلك
القرى قدامك اهي. افلام فيديو فرجتكم عليها. تلك القرى قدام عينيكم اهو. شفتم معاصيهم وشفتم انتقام الله منكم. عايزين منهم.
عايزين تكرروا - 00:11:34

سيناريyo تاني ليه ؟ تلك القرى اهي قدام عينيكم اهي واي دايما القرى القرية جاية من الجمع التي جمع الله لها الخير. يقول لك عايش
في قرية اهلها مجتمعين في مكان كده وتلاقي الخير كتير ومنه كلمة الريف. الريف ان ربنا جامع لهم الخير. طب انت ربنا جامع لك -

تلك القرى وربنا اداهم الخير ده كله وفي الاخر نقص عليك من انبائها. مش نقص عليك انبائها. القرآن دايما ما بيجبش غير العبرة. القرآن مين انبأها مين دي للتبعيض؟ يعني ربنا ما بيجبش قصة الناس كلهم. مش زي التوراة. كان في سبعة وواحد اسمه مش عارف شاؤوا. واحد اسمه - 00:12:14

واحد اسمه مش عارف ايه. وواعي القرآن ما بيجيبلوكش غير نقطة العبرة. النقطة اللي بينبني عليها الاتعاظ الوصول الى الله هي اللي القرآن بيجبهها بس. مش كلام كتير كلام مركز ونقص مضارع. كانك مش تحتاج تسمع القصص دي مرة واحدة. ده انت تحتاج - 00:12:34

استمر على سماحها عشان كده ربنا يجيب لك القصص دي. في كل القرآن من اوله لآخره ليه؟ عشان تفضل تسمعها كتير لأنك انت تحتاج تسمع القصص دي كتير تحتاج تتدبر فيها كتير. نقص عليك نقص مضارع يفيد الاستمرار. من انبائها من اخبارها الخطيرة العظيمة. الانباء النبأ - 00:12:54

هو الخبر الذي اذا سمعته شغلك عما سواه. شغلك عن اي حاجة تانية. تشغل عن عشان كده سورة النبأ اللي هو يوم القيمة. يعني ايه النبأ؟ يعني المفروض لما تعرف - 00:13:14

في يوم القيمة ما عدتش تركز مع اي حاجة لن تؤدي الى نجاتك. من يوم القيمة. يقول لك اخر الانباء. الانباء فلان حصل وفلان راح والملك الفلاني عمل والوزير الفلاني رأى هي دي الانباء. الانباء هي اخبار الدار الاخرة. والانباء هي احوال قصص الانبياء مع اقوامهم. ومن الذين - 00:13:24

رعاهم الله بالطاعة. ومن الذين دحرهم الله بالمعصية؟ تلك القرى اهي قدامك اهي الافلام اهي لازم تستفاد من كل القصص اللي فاتت دي نقص عليك من انبائها. تحتاج انك تسمع قصص انبياء كتير. تحتاج انك ترتبط بالنمذج الرهيبة دي. وتحتاج انك ت Shawf اللي عصى ربنا - 00:13:44

صلوا ايه؟ عشان ما تمشيش في نفس الطريق ما تضيعش عمرك. ما تضيعش عمرك في استكشاف الطرق. ربنا مديك كل حاجة. ولقد جاءتهم رسالهم بالبيانات فما كانوا ليؤمنوا بما كذبوا من قبل. فما ولقد جاءهم جاءتهم رسالهم بالبيانات فما كانوا ليؤمنوا - 00:14:04
فمكانه ليؤمنوا به ان انسان حالته دي مستحيل يطلع منها بيات. الحالة اللي الناس دي عليها مش هيقدروا يسيبوها بحالة الضلال والفساد والتوهان والمعاصي والكبائر والصدور في الغي فما كانوا ليؤمنوا هم فين والايام فين - 00:14:24
ما تباقاش حالتك في قمة الغرب وتقول يا رب اهديني ما هو انت لازم تقرب عشان ربنا يهديك. وفما كانوا ليؤمنوا بما كذبوا من قبل غالبا ردود افعال الانسان الاولى تجاه المواقف بتبقى هي ردود افعاله بعد كده. والانسان الاعمى عن قراءة الرسائل الربانية في البداية بيبقى - 00:14:44

معناها في النهاية. فما كانوا ليؤمنوا بما كذبوا من قبل. هو في الاول قابلها ازاي؟ بالعناد. طب وبعد كده؟ في علم الاجتماعات في علوم الادارة؟ في الاجتماعات فن الاجتماعات يقول لك ان احدهم طريقة دلوقي موجودة ان آآ يقولوا مسلا كزا ولا كزا - 00:15:04

ويقوموا واحدين الرأي في نص دقيقة. يقول لك قال لك لم الاراء. قال لك طيب دلوقي عايزين بقى نقدر نتناقش وكل واحد يقول لي الايجابيات والسلبيات قال لك تاخذ اربع ساعات قال لك وعلما سبت في النهاية هو نفس الرأي برضو. في الآخر. الحاجات اللي خدت اغلبية في الاول. بعد - 00:15:24

هذه الدورات برضه هتاخذ الاغلبية في الآخر. فما كانوا ليؤمنوا بما كذبوا من قبل. اللي واجه الدين بالعناد في البداية. وكان رد فعله العياز بالله اثم في البداية غالبا بيكمي كده. فما كانوا ليؤمنوا بما كذبوا من قبل كذلك المنزد البشع ده الاسود - 00:15:44
ده كذلك كذلك الطبع المرعب اللي ادى للاخر في الخلود في جهنم. كذلك يطبع الله على قلوب الكافرين اشد عقوبة هي عقوبة الطبع. ان طبيعة قلبك تفسد. ان انت قلبك يتطبع بالضلال والعياذ بالله. من كتر مزاولة - 00:16:04

المعصية طبيعة الفطرة نفسها بازت والعياذ بالله. زي السيف اللي بيعلوه الصدأ كده يبقى ايه؟ ده تطبع خلاص ده فسد خلاص وما وجدنا لاكثرهم من عهد ده محصلة البشرية - 00:16:24

ربنا بيقول وما وجدنا لاكثرهم من وعد. وان وجدنا اكترهم لفاسقين وما وجدنا كل ما الانسان يحصل له مصيبة يقوم راجع. خلاص يا رب وتبت يا رب. ومش هرجع تاني يا رب. وان وجدنا اكترهم لفاسدين. لفاسقين - 00:16:40

ما وجدنا لاكثر من عدد. كل ما يتزنى يقوم رايح لربنا ساعة الزنقة. يروح لربنا عشان ربنا يدي له عيل. يروح لربنا عشان ربنا يجوزه. يروح لربنا عشان يرزقه يروح لربنا ايام الامتحانات يروح لربنا لما يمرض يروح لربنا ويبقى العابد الناسي وبعد كده كل حاجة تنكف اول ما الفرج بييجي - 00:16:55

وما وجدنا لاكثرهم من دي محصلة معاملة البشرية لله. حدش فيهم بيوفى مع ربنا. ما فيش حد فيهم بيستمر على كلمته مع ربنا الناس بتلعب بعلاقتها بالله. يدوا العهد وبعد كده ينكثوه. في حين انه مع البشر ما يقدرش يعمل كده. انما مع الله بيلعب - 00:17:15
اعوذ بالله. وما وجدنا لاكثرهم من عهد. وان وجدنا اكترهم لفاسقين اي متمردين على امر الله. احد اخوانا في المانيا تاجر فيكلم واحد هناك فيبيتكلموا عن الدين والاسلام قال له انا مش هؤمن بالله يخنقني في حياتي - 00:17:35

والكلمة دي كلمة كثيرين جدا من الغرب. ان هو سبب الحاده اصلا. ليه اؤمن بحد يقول لي حرام وحلال؟ ليه اؤمن بحد يقول لي اعمل وما تعملش والعياذ بالله وان وجدنا اكترهم هي دي بقى لفاسقين فاسقين يعني متمرد على انه يتحكم. متمرد على ان حد يقول له حرام وحلال. وده ينفع وده ما ينفعش - 00:17:53

متمرد على الله. ثم بعثنا من بعدهم موسى. كل الانبياء اللي بعد كده كانوا معطوفين على اللي قبل كده في سورة الاعراف. كانوا معطوفين على قصة اه نوح لقد ارسلنا نوحا. ارسلنا ارسلنا كل الانبياء بعد كده جايين معطوفين على لقد ارسلنا نوحا - 00:18:13
ربنا سبحانه وتعالى في الصفحة اللي قبلها وما ارسلنا في قرية مننبي الا اخذناها ارسلت اول مرة بييجي لفz البعث جه مع سيدنا موسى. ثم بعثنا من بعدهم موسى. احيانا الواقع لما بيقى صعب جدا. وبيقى الضلال - 00:18:33

سد فيه زي وقع فرعون كده والفراعنة في كل زمان ومكان. اه وديار الاسلام التي تبتلى بفرعون بعد فرعون. الواقع قوله دايما لازم يبقى في صحراء. لازم يبقى في اعلام ساحر. لازم يبقى في اه مش هتقدر تغمض عينيك من كتر الاعلام الساحر. لازم يبقى فيه - 00:18:50

تعليم فاسد لازم يبقى فيه تشویش لازم امال يسيطرها على الواقع ازاي؟ ازاي؟ عشان كده ربنا قال على سيدنا موسى ثم بعثنا من موسى لأن اللي هيشتغل في الدعوه في الواقع اللي فسد لازم يكون بعث كانه واقع ميت وحد هيحييه من جديد. وحد هيقومه من - 00:19:10

جديد ثم بعثنا من بعدهم موسى وده اي واقع بيتحكم فيه اليهود. زي الواقع الدول العربية دلوقتي كده وهو واقع اللي حكومة عرب ولكن اللي بيتحكم فيه اليهود. حقيقة والاعلام اليهودي والفكر اليهودي والاقتصاد اليهودي. عشان كده الانبياء اللي راحوا اليهود تلاقى ربنا بيقول عليهم الكلمة دي. سيدنا عيسى - 00:19:30

روح ناس ميتة وهتبت الروح فيها تاني بكلمات الوعظ. التورانية من فم وقلب سيدنا عيسى. فاللي هيشتغل في اللي زي الوقت ده لازم يبقى بعث. ما ينفعش يبقى دعوه ضعيفة. لازم يبقى قوي. زي ما هنشوف دلوقتي ربنا عمل ايه مع سيدنا موسى نفسه. لأن اللي هيشتغل - 00:19:50

في الواقع ده ده انت بتحيي موات. ده احنا كنا فاكرين ان نهاية القصة ان بنى اسرائيل يخلصوا من فرعون. ده اول ما خلصوا منه طلعوا كل جوة كل واحد منهم فرعون صغير. اجعل لنا الها كما لهم الها. بعد ما قعدوا سنين تحت اعلام - 00:20:10

الظالمين وتحت تعليم الظالمين. طلع اتزرع جواهم صفات من الذل والخنوع والفساد النفسي محتاجة لك اكتر من مجرد النوم كانت تتحرر ابدانهم من الظالمين. ولكن قلوبهم وانفسهم لسة فيها صفات فترات التيه. والعياذ بالله عشان كده - 00:20:30

احنا عندنا فترة كبيرة قوي من التربية لنا يا جماعة. احنا محتاجين نتربي. لأن احنا طلعننا في المجتمع ده. او عى تفتكرك انك سلمت من المجتمع ده. انت المجتمع ده لك نفسیتك من جوة. وكل مشاكلك جوة الدين بسبب التشوهات. اللي الفساد اللي حواليك زرعها فيك. فانت محتاج ولادة تانية - 00:20:50

غير ولادة انك تدينت ودخلت الجامع. انت محتاج ان نفسیتك دي تزكي. قلبك ده انت محتاج من جوة تتولد تاني. انت محتاج رحلة مع القرآن ومع ذكر الله ومع الاسماء الحسنى عشان ترجع تطهر داخليا. وتبقى انسان فعلًا بالصفات اللي القرآن - 00:21:10 من اراد ان هو يزرعها فيك ثم بعثنا من بعدهم موسى باياتنا الى فرعون وملأه. كل الانبياء بعثوا الى قومهم الى عاد اخاهم ايه الى سمودة اخاهم صالحة. النبي الوحيد اللي رينا كان بيقول انه بعث لشخص وليس لقوم هو موسى. الى فرعون. ها - 00:21:30 ما لها طبعا الرباطية طبعا لازم طبعا يعني ايه فرعون؟ لأن البلد الوحيدة اللي بيحكمها فرض هي هزه البلاد التاريخ فرض بكل الانبياء بعثوا الى اقوام وسيدنا موسى بعث الى فرعون وملأه. الملا اللى هم يملئون اعين الناس. العربية - 00:21:53 الستة متر اللي نازل منها. والموكب اللي ماشي فيه. آد الملا بقى اللي هم الایه فظلموا بها. فانظر كيف كان عاقبة المفسدين. الآية دي رينا جاب لك بها القصة كلها. وبعد كده رينا هيفصلك القصة في مشاكل - 00:22:13 ولكن ترخص لك القصة في كلمتين. ظلموا بها. دي الجريمة. ظلموا كفروا جدوا. يعني ايه بها يعني ايه ظلموا بها؟ يعني المفسرين واقفين قدام حرف بها دي. ظلموا بها ازاي؟ قال لك الكلمة دي فيها تضمين. الكلمة دي فيها يعني اقوال المفسرين فيها يعني - 00:22:29

كثير من الاقوال آآ ولكن يعني انا يعني ظن يا جماعة وفهم يعني ان بها ديت للاستعمال. استعمال الدين. ظلموا بها فدائما الظالمين الدين من اهم مقومات سيطرتهم على الناس وعلى الشعوب. يعني هو لما بيلاقى الدين مش بيفكر - 00:22:48 انه يهدى قبل ما يفكر انه يستعمله. فهو بياخد ايات رينا ويحاول انه يحولها لايده؟ لو تد وفرعون هذه لو تد من الاوتاد اللي بيقيم عليها ملكه. واللي بيقيم عليها سلطته. الناس دي ليس عندها الا الكرسي. ولا تفكرا الا بالكرسي. وساعة ما الكرسي بيقترب منه بيتحولوا - 00:23:08

الى ما لا تتخيله. يعني ما لا تتخيله من ردود الافعال ظلموا بها. ده عايزين كمان يستعملوا الدين. فانظر كيف وطبعا الظلم اللي ظلموه للناس. يقول لك الفقراء وكل الفقر اللي موجود في بلادنا بسبب تنحية شريعة رينا. المسؤول عن كل القبط - 00:23:28 اللي ممكن تلاقي قطة بتموت دي بما كسبت ايدي الناس. كل اللي موجود ده بسبب تنحية شرع الله سبحانه وتعالى. وكل الفقر وكل اللي خرجت ولم تعد وكل البطالة وكل الارزاق كل ده في رقبة منحه شرع الله سبحانه وتعالى ظلمه. فانظر انظر دي بقى ايه؟ قلب عينيك - 00:23:48

المشهد مليان عبر. انظر دي يعني قلب بصرك وشغل دماغك. المنزه مليان عبر. فانظر. مش انظر عاقبة المفسدين انظر كيف بص للكيفية. ما تبصش للمشهد النهائي ان فرعون غرق وكل الرتب اللي وراه غرفت - 00:24:08 الدنيا وان رينا جعلهم عبرة لمن يعتبر ولمن لا يعتبر. فالليوم ننجيك ببندك لتكون لمن خلفك ايه في قراءات ايه؟ غير عشرية. فالليوم ننجيك. هو حد بيتحلى عن العرش؟ ها؟ فالليوم ننجيك - 00:24:28

ببندك لتكون لمن في قراءة برضو غير عشرية لمن خلفك اية اللي هيقعد على الكرسي وراك. في قراءات بس قراءات ايه؟ غير عشرين اه ظلموا بها فانظر كيف بص للكيفية. ما تبصش للمشهد النهائي بس. لأن السورة اللي رينا استدرجهم بها لحد الهاك مليانة عبر. انت - 00:24:48

محتاج تفهم الفيلم كله بجميع مشاهده. محتاج انك تبقي فاهم كوييس جدا جدا جدا. قصة موسى وفرعون وبني اسرائيل وملأ فرعون نموذج لصراع الحق والباطل. عشان بعد كده اي حاجة تحصل لك برة بيقى انت شفتها قبل كده في القرآن قبل ما تشووفها في الواقعه. فانظر كيف - 00:25:09

كان عاقبة المفسدين. نبدأ بقى المشهد الاولاني بعد ما رينا اكمل لك القصة. وقال موسى يا فرعون ده المشهد الاول ده اول بين الحق

والباطل. اول جولة سيدنا موسى نزلها. نزل على فرعون نزل على قصر فرعون واتكلم معه. وقال موسى يا فرعون. طب هو -

00:25:29

قبل كده مع حد ما فيش اي اخبار ان هو اتكلم مع حد خالص. فمباشرة كده داخلة تجعزم. داخلة قوية الانبياء كانوا في غاية القوة. في دعوة الله سبحانه وتعالى. هو مش -

00:25:49

من حد خايف ليه؟ لأن هو بيتعامل ازاي؟ تخيل كده واحد بيحكم مسلا بيحكم الوطن العربي كله. ففي ولاية من ولايات الوطن العربي اسمها مسلا مصر ولا السودان ولا اي حاجة. الولاية دي متقسمة مسلا تلاتين اربعين محافظة. كل محافظة فيها مسلا تلاتين مركز ومتين قرية. كل قرية فيها -

00:25:59

مسلا نجعين ثلاثة وفي نجع بعده كفر كده من الكفور اه تابع لنجع تابع لقرية تابع لمركز تابعة للمدينة تابعة لحظة تابعة لولاية تابعة للبلد اصلا العامة. العمدة بتاع الكفر ده بدأ بقى ايه؟ ينسى نفسه وبدأ يتمرد على حكم الحاكم بتاع المنطقة -

00:26:19

كلاها وبدأ فبعت له يعني امين صغير كده حاجة صغنة كده روح شف اللي نسي نفسه ده. رح شف اللي نسي نفسه ده فهل اللي نازل نازل بالفخر والاعتزاز بالانتساب للحاكم الاعلى؟ ولا نازل بالخوف؟ نازل بالفخر والاعتزاز والعزمة هو مين ده اصلا -

00:26:39

اللي عارف من هو الله عارف من هو المخلوق. وعارف زي ما سيدنا موسى قال لهم ان الارض لله يورثها من يشاء من عباده. او عى تنسى دي. او عى ان كل عروش الارض خيوطها في ايد رب العالمين وحده. يخفض القسط ويرفعه كما قال شراح الحديث. القسط

اللي هو عروش الملوك -

00:26:59

الحكم في الارض يخفض القسط ويرفعه. يعني ربنا احيانا بيخفض القسط بيسيب من يحكم يظلم. واحيانا بيرفعه تولي الصالحين. طب وده بناء على ايه؟ بناء على اهل الدين نفسهم. اهل الدين قايمين بشغلهم في نصرة دين ربنا ولا لأ؟ الناس تستاهل ان القسط يغفر -

00:27:19

ولا الناس تستاهل ان القسط يرفع انت اللي تستاهل. انت صحيح تعامل مع الظلم. صحيح تعامل مع الابتلاءات بس خد بالك فيما كسبت عشان كده ربنا سبحانه وتعالى بيقول وان عاقبتم فعاقبهم بمثل ما عوقبتم. فعاقبوا مش بمثل ما اسيء اليكم. بمثل ما عوقب -

00:27:39

به ايوة تعامل مع الواقع. ولكن او عى تنسى لما زار ترك الله تعصيه؟ لما زار سلط الله الظالمين؟ لما زار دي النقطة اللي انت لو ما فهمتهاش ما انتش هتفهم حاجة. لن يجزئك شيء. في البداية عشان كده لما كان بيجي الانبياء مسلا سيدنا سيدنا -

00:27:59

يا عيسى جه مسلا في في عند صفر ميلاديا لقى زكريا قتل ويحيى قتل كان المفروض بقى ان هو ايه ولقى الرومان محتلين فلسطين كان المفروض يقول لك لابد من ازالة الاحتلال ولابد. او سيدنا يونس في العراق في نينوى لما كان الاشوريين محتلين العراق. ولابد من ازالة الاحتلال -

00:28:19

الاشوري ولابد من تحرير اليهود اللي استعبدتهم الاشوريين في نينوى ولابد يا عم انت مستبعد من نفسك انت لم تستطع ان تتحرر من الزالمين الا اما تتحرر الاول من الزلم اللي انت زالمه انت نفسك لدينك. فانت اللي هو المثل اللي يعني ضربه -

00:28:39

اهل فلسطين الدين قبل الارض اللي هو ونجعلهم ائمة ونجعلهم الوارثين. ائمة اي يعود الدين الوارثين اي تعود الارض. عشان كده مش هترجع الارض الا لما يرجع الدين. هيرجعه لك ليه؟ ولو رجعت الارض من غير دين لازمتها ايه؟ بقى ظالم استبدل بظالم. واحد بيجري -

00:29:00

وراء شهوات استبدل بواحد بيجري ورا شهوات عشان كده في قصة طالوت واليلوت في سورة البقرة ان اية ملكه ان يأتيكم التابت فيه سكينة من ربكم وبقية ما ترك ال موسى وآل هارون تحمله الملائكة اللي هو بقية التوراة اللي اخذت منهم. طب وايه الدلالة في كده؟ اللي رجع لك الدين هيرجع لك الدنيا. ما دام -

00:29:20

الدين رجع الدنيا راجعة. خلاص رحلة راحوا جابوا فلسطين تلتميت واحد ورجعوا. ما دام الدين رجع الدنيا ترجع. فده الفقه اللي احنا لازم نفهمه جماعة ان القضية مش قضية ان ده مش زالم ده زالم. بس انت لن ينصرك الله عليه الا ان تحررت من زلمك -

00:29:40

نفسك في الدين الناس ترجع لربنا. طب يعني ما ينفعش ان انا ارجع لربنا؟ ينفع. وما ينفعش نقيم حضارة من غير ما ما نرضي ربنا؟ ينفع. وما ينفعش ان احنا - 00:30:00

قصر على اعدائنا من غير ينفع. بس ساعتها ولا لها اي قيمة. لانك زيك زي اللي انت اتحررت منه. انت ظالم وهو طالب لان ما فيش دين. فالقضية قضية الدين اولا بعد كده الملك كله بيرجع. بعد كده - 00:30:10

وقال موسى اول ما دخل على الفرعون يا فرعون يا فرعون دي هو لقب فرعون وكلمة فرعون دي كلمة تعظيم. زي ما النبي عليه الصلاة والسلام كلم عظيم الروم - 00:30:27

هو عزيز الفرس وعظيم مصر يعني سيدنا موسى داخل بيتكلم بلهجة فيها ادب. مش بلهجة فيها تعدي وفيها استخفاف وفيها اليقين لا يعني انك تستخف او لا يعني انك انت تتحامق عن من امامك. فهو بيتكلم بلهجة فيها ادب. بس برضو بلهجة فيها واحد بيكلم واحد مش خايف منه مش تحته. يا - 00:30:37

او اني رسول من رب العالمين. اني رسول من رب العالمين. حقيق. حقيق دي من الحقيقة على الا اقول على الله الا الحق طبعا الناس اللي زي فرعون اول ما بيسمعوا كلمة الحقيقة وربنا ورب العالمين هو بيفهم الموضوع بقى له ايه. الناس دي ما تعرفش تعيش مع الدين ولا ينفع تتكيف - 00:30:57

مع الدين. لانه هو باني حياته كلها على ان لازم الواقع يفسد ولا هو مش هيسطر. هو مش قادر يسيطر في الخير. مش عارف زي المنافق كده. المنافق واحد عنده طموحات ولكن هو مش قادر مش من النوعية اللي بتتعمب. دايما المنافق بيقى عزيته ضعيفة في انه يحقق احلامه. فالحل ايه؟ ان انا اركب الاسانسير - 00:31:17

بتاعة ازا حدس كزب وازا وعد اخلق وازا اؤتمن خالف الحل ان انا ادهن الهواء دوكو الحل ان انا اكدب على ده واخدع ده لحد ما هو ده الحل عنده. فكذلك ده مش قادر ان هو يسود بالحق. فمش قادر يسود غير بالباطل - 00:31:37

فدياما النموذج ده ما يقدرش يستحمل دينا عشان كده ربنا سبحانه وتعالى يقول تلك الدار الاخرة نجعلها للذين لا يريدون علوا في الارض ولا ايه؟ ولا فسادا ابن تيمية قال لك الكلمتين دول قال لك ان البشر اربع انواع. فيه ناس عايزه علو وفساد - 00:31:57 وفيه ناس عايزه علو من غير فساد. وفيه ناس عايزه فساد من غير علو. وفيه ناس لا عايزه علو ولا فساد وهم دول الطائفة الوحيدة الناجية. قال لك اللي عايز علو - 00:32:14

سدوا لمين؟ قال لك دول الحكام الزلمة هو عايز يعلو بس عمره ما هيعلو الا لو الناس فسدت هو لو الشاب مش مشغول بالزنا وبالواقع الاباحية والبنات مش مشغولة بالاسترتشات وباللي بيعاكسها - 00:32:24

بيجري وراها الناس مش مشغولة في لقمة العيش والطالب مش مشغول في الترم الترم ما ينفعش ما ينفعش الدكتور مش مشغول في ان مرتبه مش مكفي فلايد يجري في طاحونة عشان يجيب باقي الحاجات اللي يعوض بها تعبه وطفحان دمه طول عمره وقطمة وسطه على المكتب من عنده خمس سنين - 00:32:37

ما ينفعش ما ينفعش الناس تفضى. فقال لك لازم عشان يفضل يعلو لازم فساد. ان فرعون علا في الارض وجعل اهلها شيعة. طب ايه ما هو من غير ما يقطعهم ويشيعهم عمره ما يزود. فلازم يخلي البلد الواحدة خمسين بلد من جوة. فقال لك طب مين اللي - 00:32:57

علو ومش عايز فساد. قال لك اهل الدين. اهل الدين المرائيين. هو مش عايز فساد. هو نفسه الناس تبقى كويسيه بس هو عايز يعلو. وعايز من ينظر لين هو الاعلى والناس تلتف حوليه. فقال لك دول اهل الدين المرائيين. آآ ده عايز علو مش عايز فساد. قال لك طب مين اللي عايز فساد ومش عايز علو؟ قال لك زي الشباب الفاسدة - 00:33:17

زي هشام الفاسد هو عايز يفسد ومن خمرة لنساء لبتاع. انما هو ما يهموش انه يعلو. اهم حاجة عنده شهوته. زي الحيوانات كده. قال لك طب مين اللي لا عايز - 00:33:37

هو انا عايز فساد قال لك دول اهل الدين الخلس. هم دول الوحداد النجيب. فدياما الاتنين مربوطين بعض. العلو مربوط بالايه؟

بالفساد ما يقدروش يعيشوا من غير والشواهد على هذا في الاadle الشرعية كثيرة جدا. حقيق على الا اقول على الله الا الحق. انا ملزم

في قراءة نافع حقيقي - 00:33:47

علي الا اقول على الله الا الحق. حقيق انا جدير ان انا ما اكبس. انا اللي زبي لا يمكن يكذب. لا يمكن ايه؟ هو انا لو هاجي لفرعون اقول له اني رسول من رب العالمين. ما فيش حد يعمل اللي انا باعمله ده غير عشان ربنا اصلا. بس هو العمى هو اللي بيعمى اهل

الباطل - 00:34:07

عقيق ملزم انا لم انطق كلمة واحدة كذب على الله ودي طبعا مسئولية جبارة في الدعوة الى الله. انك انت تفهم يعني ايه حقيق على الا اقول على الله الا الحق. الحقيقة اكتر حاجة بتخوف الزلمة. قد جئتكم ببيبة من ربكم. فارسل معيبني بني اسرائيل. انا يا عم مش -

00:34:27

حاجة. انا عايز بس اليهود اللي انت استعبدتهم. واللي انت حولتهم خدامين. ببنوا لك ويعملوا لك واليهود اللي انت طفيت الملياريرات منهم اللي زي قارون يبقى سندك واصطفيت العباقرة منهم يبقو ملائك والباقي زلهم ومطلع عينيههم ومشغلهم -

00:34:47

طب ان انا عايز اسيهم يروحوا فلسطين. يعني سببهم يرجعوا للارض المقدسة بتاعتهم. احنا مش عايز منك اي حاجة. انا مش جاي لك انت اصلا. انا جاي عشان اقول لك رب - 00:35:07

بيقول لك سب اليهود يرجعوا فلسطين. حقيق على ان لا اقول على الله الا الحق قد جئتكم ببيبة من ربكم فارسل معيبني بني اسرائيل.

انا عايز امضى. سلام عليكم. مش عايز منك اي حاجة. قال ان كنت جئت باية فاتي بها. ان كنت من الصادقين. ان - 00:35:17

شك كنت جئت باية فاتي بها. عادي يعني انا فرعون قاعد بقى انت عارف بقى الايه؟ بيترسم يعني. بيترسم ان كنت من الصادقين ان ان يعني يعني انت قبرك كله مشكك كده وعادي يعني معك اية؟ وريني كده. فالقى عصاه فاذا اذا - 00:35:35

تفيد المفاجأة. فاذا هي العصاية ثعبان مبين. ثعبان رهيب واضح للجميع فالقى عصاه فاذا هي ثعبان مبين. ايده في جيده ونزع يده. سيدنا موسى كان اسمر شديد السمرة. فاذا هي بيضاء للناظرين. منورة - 00:35:55

زي الشمس كده. حاجة منورة ايه ده! الايدي البيضاء بقى. ايديه منورة. التعبان في الارض وايدين سيدنا موسى منورة. فالقى عصاه فاذا هي ثعبان مبين. ونزع يده فاذا برضه هي بيضاء للناظرين يعني ايه الناظرين؟ بيضاء للناظرين كان الناس اول ما شافت ايدين

سيدنا موسى - 00:36:15

كل اللي في القاعة اتبهروا. فكله قاعد عايز ينظر وعايز يقلب عينيه في ايديه. من منزد الايدين اللي بقت بتتوهج كانها الشمس اه وجسمه كله اسمر زي ما هو بيضاء للناظرين كأن كل واحد قاعد بيص وقعد يقلب عينيه. بيضاء للناظرين كان الناس اول ما شافت ايدين -

00:36:35

ان هذا لساحر علیم. ما هو ما فيش ما ينفعش يشخص حاجة تانية. هو معتقد ان الكرسي بتاعه ما ينفعش معك كلمة رب العالمين. والصلة والناس تصلي الفجر في ما ينفعش الكلام ده. ما ينفعش. لازم الناس تفضل في غفلة. هو بانيها من اولها على كده. قال الملا -

00:36:55

ومن قوم فرعون ان هذا لساحر علیم. ده سحر رهيب ده مش اي ساحر. فرعون قام داخل بقى يريد ان يخرجكم من ارضكم ده دول لهم مقاصد سياسية وده جاي اصلا عشان يغير الاوضاع ويغير الانزمه ده ده مخطط رهيب يريد ان يخرجكم من ارضكم. هنا لو -

00:37:15

الملا المصرىين يبقى الرجل ده عايز يقلب الدنيا بقى ويعمل انقلاب والكلام ده. طب لو الملا بتوع فرعون كانوا يهود الوقت بقت ارضهم وانت مستزلمهم ومستعبدهم. اول ما حس بالخطر انتم الكلمة بتاعتهم يريد ان يخرجكم - 00:37:39

فماذا تأمرتون؟ الله اكبر. فرعون بيقول مازا تأمرتون؟ فرعون بيقول اؤمر يا شعب امرك ماشي. فرعون يعني ساعة الخطير كل حاجة بتتغير ويرجع مازا تأمرتون وبعد كده الدنيا تتغير تاني بعد ما قالوا ارجع اخاه. وارسل في المدائن حاشرين. ارج ايه؟ ادي له مهلة -

وارسل في المدائن حاشرين يأتوك بكل ساحر عليم. آآ زمان السحرة كانوا هم الكهنة ومصر كانت مليانة سحر. اخطر سحر على وجه الكرة الارضية ظهر. يعني السحر المصري وسحر بابل. يأتوك بكل ساحر عليم. يعني البلد - 00:38:17

كانت مليانة صحرا وما فيش حاكم فرعوني يقدر يحكم من غير ما يكون عنده صحرا كتير جدا. صحراء دول في شكل فنانين. السحرة دول في شكل آآ اعلاميين اي مكان السحر دول في شكل ايه؟ انما السحر آآ السحر جاي من السحر. السحر اللي هو الربع ساعة اللي بين النهار والليل. اللي هي قبل الفجر. اللي هي - 00:38:35

الاعلى وقت نومة النبي صلى الله عليه وسلم. آآ بعد قيام بعد قيام نصف الليل. اتسمى سحر من تداخل الليل مع النهار. لا انت عارف هو ليل ولا المياعة بتاعة الاحداس وعدم تبين الشيء وما انتاش عارف لا ليل ولا نهار دي السحرة. فالسحر - 00:38:55

كده لان هو بيتهو الدنيا ما عدتش عارف الحق من الباطل. عشان كده النبي عليه الصلاة والسلام يقول في قصة غلام الاخدود كان ملك وكان له ساحر ولا يوجد ملك - 00:39:15

الا لو ساحر ما يقدرش من غير ما يتوه عقول الناس ويضل عقول الناس. ويشغل الناس ما ينفعش الناس لو شافت الصح صح مش هيقدر. مش يقدر كان ملك وكان له ايه؟ ساحر. ارجه واخاه. طبعا ارجه ديت يعني يتهيأ لكم ان فرعون وافق عليها طيبة منه. وبعض بقى الناس تعلق - 00:39:25

تفاصيل يقول لك شف سبحان الله! ده فرعون يعني يا اخي ده الفراعنة زمان كانوا ارحم من اللي بيحصل الايام دي. الايام دي ما بيقولوش حتى ارج يعني سببه شوية كده وهات حد - 00:39:45

لا فرعون ازكي فرعون عبقرى هو فرعون سيد موسى ليه؟ اول حاجة هي فرصة رهيبة. فرصة ان ان تبقى خبطه اعلامية جامدة جدا طيب وفي نفس الوقت موسى هيننزل وهيشتغل في الدعوة. وموسى مش هيبيطل شغل اللي دخل على قصر فرعون هيننزل للناس. يعني مش هيننزل هيننزل - 00:39:55

طب انا الوقت لو انا جبت له الصحرا امتي فرعون ينتصر؟ لو السحرة كسبوا موسى صح؟ انما لو موسى كسب الصحرا يبقى فرعون اتهزم صح؟ لا غلط لو الصحرا كسبوا او موسى كسب فرعون انتصر. لان في الحالتين موسى طلع ايه؟ ساحر. في الحالتين طلعوا - 00:40:18

ساحر فرعون موسى قدر ان هو طلعت في برنامج توك شو مع واحد علماني وكسبته لسانه حلو. انما هم وحشين عادي ايه يعني! ايه ما حصلت! طب لو هو كسبك اه ما نفهموش. ما هي مش القصة. القصة انك قبلت انك انت تقول ان انا سحر - 00:40:46

خد سحر انت كسبت بقى يبقى انت شاطر زيادة في السحر انت خسرت يبقى هو كسبوك. والحمد لله انما في كلتا الحالتين موسى اتهزم فمجرد ان موسى يقبل ان هو يدخل في منازرة مع السحرة يبقى هو ايه؟ اتحط في كاتيجررو ايه - 00:41:06

اتحط في تابلوه ايه؟ انه ساحر فمجرد ان موسى يوافق دي هزيمة طب موسى وافق ولا رفض؟ فورا قال مواعده وحدد الميعاد. والمكان. موعدكم يوم الزين. وان يحشر الناس ضحي. المعاد واليوم وال الساعة كم؟ الله! طب موسى وافق ليه؟ موسى - 00:41:26

لو كان كسب او خسر كان طلع ساحر. وكانت قضيته احرقت. هو هنا مش عايز يموت موسى. وعايز يحرق موسى هو مش عايز يموت الدعاء وعايز يحرقه. هو عايز يبقى الدعاية مش وسط الناس وما عدش حد من الناس راضي بيص له - 00:41:48

هو عايز يحرق قيمة الدعوة في العيوب. الامل الوحيد قدام موسى مش انه كان ينتصر على الصحراء. والا فيقينا موسى انتصر الصحراء بيقول لهم ربنا اللي ارسله. الامل الوحيد قدام موسى مش ان هو ينتصر على الصحراء. الامل الوحيد قدام موسى ان السحرة يقولوا - 00:42:01

ان هو مش ساحر واحد بالك من التحدي الرهيب اللي دخله موسى الامل الوحيد ان السحرة علماء السحر يقولوا قدام الدنيا كلها مش سحر بس دي الحالة الوحيدة. فموسى داخل في مخاطرة رهيبة. ويبيقول له ان يحشر الناس. ما هو الداعية مقصده كده. انا عايز الناس تسمع - 00:42:21

طب افرض بقى تحشر الناس وانت اتهزمت قدامهم. يا عم دي مش قضيتي. ربنا هينصر دعوته. سبحانه وتعالى. ربنا قادر زي بالزبط غلام انك لست بقاتلني حتى تفعل ما امرك به. ان تجمع الناس في صعيد واحد سهلا من كناناتي مش كناناتك السهام الفالصو بتعاتك - 00:42:44

كناناتي سه قول باسم الله رب الغلام. فانك لست بقاتللة حتى تفعل ذلك. اجمع الناس ووريهم المشهد ده. طب انت هتموت بس الدعوه هتقتصر. مش لازم ان الدعوه تنتصر بحياة الداعية. ممكن موت الداعية يبقى هو نصر الدعوه اصلا. وممكن الدعوه لا تنتصر الا بموت الداعية - 00:43:04

اصلا قالوا ارجعوا الخطة الرهيبة. حرق موسى يطلع سحر اعمل حزب ايه المشكلة؟ حزب قصاد حزب انما تقول لي دين وتقول لي شريعة لا ما تدخلنيش في حاجة ما ليش فيها. ما تدخلنيش في حاجة انا ما اقدرش اقف قدامك فيها - 00:43:24

نفس الالفاظ ونفس الادوات العب. انزل الملعوب لون فانلة وانزل. انما تجيب لي كلام وربنا والسماء ورب العالمين حتى اذا قال سقوا فسقينا واطعموا فاطعمتنا. حتى اذا قالوا منا نبي فانا ندرك هذا والله لا نكذبه. والعياذ بالله ما تجيلىش في حاجة برة - 00:43:45 بتاعي. قالوا ارجع واخاه وارسل في المدائن حاشرين. يأتوك مدائن دي بقى مصر مليانة مدن. مصر مليانة مدائن بقى دولة حضارية رهيبة. الدولة العظمى في العالم في هذا الوقت. يعني امريكا العالم في هذا الوقت يأتوك بكل ساحر عريم - 00:44:05

وجاء السحرة بقى انتهى المشهد الاولاني على القرار سبه بقى خلاص ينزل وايه وهات السحرة هيجي سبعين الف ساحب هيتصفي منهم خلاصة خلاصة الخلاصة عشان يقفوا قصاد موسى. المشهد الثاني مشهد سري من وراء الكواليس - 00:44:25 غير معلن وجاء السحرة فرعون اجتماع سري ما بين المسؤولين عن سحر الناس وهم في نفس الوقت في الواقع ده الكهنة رجال الدين فهو الدين والسحر بقى ايه متسرخين من اجل ان هو يفضل فرعون في مكانه. وجاء السحرة فرعون - 00:44:45 قالوا ان لنا لاشرب. ان كنا نحن الغاليين. ايه رأيك بقى لو كسبناه لك؟ ها تدينا ايه؟ تدينا فلوس؟ قال نعم. فلوس انكم لمن المقربين. ده انا هخليلكم لبشوارات. ده انا هعمل لكم كل حاجة واعينكم في اعلى المناصب - 00:45:04

وينتهي المشهد الثاني من اوضة الاجتماعات السرية الغير معلنة. ويبيجي المشهد الثالث شعب كله واقف والهتافات على اشهده ويعني بالروح بالدم من الذكر فرعون. والصحراء واقفين بقمة الثبات وقمة يعني نظرة الثقة في عينيهم - 00:45:20 وفرعون قاعد على العرش حوالين الملا بتاعه وما فيش غير واحد. واقف سيدنا موسى في ايده العصاية بتاعته وجنبه وفي ضهره سيدنا هارون. وبعضا واقفة في النص كده يعني لا تتخيل ان المنزره ممكن يتغير في يوم من الايام. لا تتخيل ان الله قادر على تغيير - 00:45:40

هذا الوضع بقدرتة قالوا يا موسى بدأ المشهد بقى والصحراء بيتكلموا. يا موسى اما ان تلقي واما ان تكون نحن الملقيين عادي مش فارقة. انت ولا احنا؟ لا عايزيين نبدأ ايه السقة دي؟ بس هو حقيقة هم عايزيين هو اللي يبدأ ولا هم اللي يبدأوا - 00:46:00 بدليل يعني اما ان تلقي دي صيغة لغوية هي الاقوى ولا تكون نحن الملقيين؟ قال لك التعريف ده وان الملقيين جت اسم تلقي فعل زي موسى ونحن قال لك هم نفسهم هم اللي يبدأوا - 00:46:23

هم اللي عايزيين هم اللي يبدأوا. عايزيين هم اللي ياخدوا ضربة البدع. مش مين اللي يبدأ؟ مش مين اللي هيفتح الاول؟ هو اللي هيسترزق الاول؟ الموضوع له حسابات تانية خالص - 00:46:47

اما ان تلقي واما ان تكون نحن الملقيين منزره اعلامي بيترسموا على الشعب. قال القوا هرني هات اعلى ما في خيرك اركبه. اعمل نص مليون موقع اباحي. اعمل موديلات عارية. اعمل سبع تلاف قناة بتهد في الاسلام والبخاري والدين والدعاه - 00:46:57 اعمل كل اللي انت عايزة تعمله. نزل سوشيال ميديا ونزل صور القوا اعمل اعلى ما في خيرك يا ايه الباطل على وجه الارض. ويا ايهما الباطل من اليهود ومن ازيله. اعلى ما في خيلك اركبه. القوا. فلما القوا سحرروا اعين الناس. واسترهبواهم استرهبواهم - 00:47:17 است دي استرها بهم. كأنهم استدعوا الرهبة. الناس اتفزعت. يعني الناس تبع السحرة واتفزعهم من المنزره. الناس كلها اترعبت جاءوا بسحر عظيم. اللي قال عليه عظيم ربنا مش البشر. ربنا نفسه قال وجاءوا بسحر عظيم. حاجة رهيبة - 00:47:37

هو ميت ساحر خلاصة سحر الكرة الارضية. فلما القوا ميل في ميل كيلو ونص في كيلو ونص كلهم بقوا تعابين. سحروا اعين الناس وجاووا بسحر عظيم واوحينا الى موسى ان القى عصاك. الله اكبر - 00:47:57
واوحينا الى موسى ان القى عصاك ايه ده موسى ما كانش عارف انه هيرمي العصاية. موسى رايج يواجه فرعون ومش عارف يعمل ايه زى اوحينا الى موسى ان اضرب بعصاك البحر. موسى رايج البحر الاحمر وفرعون بيجري وراهم ومش عارف يعمل ايه. انما هي الثقة المطلقة - 00:48:15

في الله واليقين ان الله لن يتخلى عنا. دي مشاعر بناء الدعوات. دي المشاعر اللي لما بتتولد داخل القلوب المؤمنة ربنا بيعمل البعض في الواقع بيهذه القلوب ثم بعثنا موسى غير كل الرسل ارسلنا بعثنا بعث ده جاي عشان القلوب اللي ماتت دي تبعث من - 00:48:40
جديد وتحيا من جديد. قالوا واوحينا الى موسى ان القى عصاك فاذا هي تلتف ما يأفكون. وفي قراءة فاذا هي طلاق قفوا الفرق بين طلاق وتلتف تلتف التعبان بقى التعبان فتح بوجهه وبلع كيلو ونص في كيلو ونص - 00:49:00
يعني يعني كيلو ونص مربع آآآ تعابين بلحهم. التهموا تلتف هم اللي رموا نفسهم في بؤ عشان كده الصحراء اتزالوا اصل هو لو كل الناس اتقال لها ان ان ده سحر اقوى من سعر. السحر فاهمين ان ده مش ساحر. ده ربنا. ده مش سحر اللي - 00:49:26
اعملوا موسى ده مش ساحر. احنا عارفين السحر وفاهمينه. اللي حصل ده ليس سحر على وجه الارض يستطيع ان يفعله انما هو الله. عشان كده العلم هو اللي قدر اليقين هو علمهم فهمه من ايام السحر - 00:49:46

واوحينا الى موسى ان القى عصاك فاذا هي هي العصاية ما حلتيش حاجة حته درس في مسجد صغير وتلاتة اربعة بس اللي بيحاولوا يزوجوا جولات وشوية آآ يعني دعاه عدددهم يتعدى اصابع اللي هنعمل ايه في الفساد ده كله؟ ما لكش دعوة. القى عصاك انت ما لكش دعوة - 00:50:01

ويحق الله الحق بكلماته. مش بكلماتك انت. مش بكلامك ولا دروسك ولا خطبك الرنانة. الله ينصر الدين بكلمات وهو مش بامكانياتك انت. الله سبحانه وتعالى. فاذا هي هي ايها. العصاية ديت تلتف ما - 00:50:21

فوق الحق وقع شف ثقل الحق وقع الحق. كان الحق نزل زي الصاعقة على قلوبهم كلهم وقع الحق في قلوب الصحراء الحق نفقة اواعي تفتكر ان الحق خفيف. كل اللي هم بيعلمه ده شجرة خبيثة. اجتزت من فوق الارض لان ما لهاش جدور اصلا - 00:50:41
ما لها من قرار. عمرها ابدا ما هتقر في الارض. فاما الزيد فيذهب جفاء. الله قادر سبحانه وتعالى. المعركة ليست بيننا وبينهم. المعركة بينهم وبين الله. انما احنا بنوالي الله فربنا بيأتي بالنصر على ايدينا. انما الموضوع مش ما يقدر على القدرة الا اللي خلقها - 00:51:07
واوحينا الى موسى ان القى عصاك فاذا هي تلتف ما يهفكون. فوق الحق. وبطل ما كانوا يعملون. ما عدش فيه اي فاعلية للسحر كل السحر اتفك من قلوب الناس. فغلبوا هنالك في عز سلطانهم ومجدهم وانقلبوا صاغرين. الواحد بيقرأ وانقلبوا - 00:51:27
تحس ان قلبك بيشتفي كده. امتى؟ امتى سنرى دي في الواقع؟ امتى هنشوف وانقلبوا صاغرين؟ امتى هنشوف دلوقتي كل ما ادخل على اي اخبار؟ الممسلة الفلامنية بتحب الممثل الفلامني. والموزع الفلامني خطأ - 00:51:47
فلانة واللعيب الفلامني راح آآ النادي الفلامني. وفلان قتل امه عشان كان عايز يغتصبها. وفلانة قتلت ابها وولعت وفلان دبح مراته ورماه من ايه! ايه المؤامرات لتشويه عقلية الناس ده! ما عدش فيه اخبار - 00:52:03

عشان كده القرى نقص عليك من انبائها هي دي الاخبار اللي بحق وحقيقة الانباء اللي قاعدة يشغلوا الناس بها دي كل ده تتوبيح دي الاخبار اللي الحقيقة دي الانباء اللي بحق وحقيقي - 00:52:23

كلنا تتوبيح للعقول واثارة للشهوات. ويعني يعني وكما قال عمر بن الخطاب يعجبني الرجل اذا سيم خطة خصم وصف يعجبني الرجل اذا سيم خطة خسف ان يقول بملئ فيه لا. لما تلاقي واحد عايز يخسف بك - 00:52:37
الارض ويخسف بمستقبلك ويتوهك في الشهوات. انا انا ابسح من منزr شاب شهوته قادته انه يقعد قدام موقع اباهي. ويجزي نفسه منزr الشاب ده انه مش فاهم ان اللي صرفه الملايين على الموقع الاباهي ده صرفوه عشان يدمر. تقوم انت تروح تندمر بایديك عشان - 00:52:57

ايه العجز ده! ايه الحقاره النفسيه دي! ده لو مش حرام وحال انت ما تقبلهاش. عشان اصلا انت عارف اللي عامل ده ليه؟ واللي جايبيها لحد بلدك جايبيها ليه؟ تقوم انت وانت عارف انها حرام تتعرض لها - 00:53:17

فوق الحق وبطل ما كانوا يعملون. فغلبوا هنالك وانقلبوا صاغرين. والقي السحرة ساجدين. القي اترموا يعني كأنه لا سيطرة له على جوارحه. قالوا امنا برب العالمين. مين اللي عدى الهدوم هنا - 00:53:35

فرعون ما هو متهدأ له ان هو رب العالمين انا ربكم الاعلى. فقاموا خابطينه الكلمة بقى اللي ايه؟ اللي فهمته هم بيتكلموا عن مين؟ رب موسى وهارون. ما هو ايه قيمة رب - 00:53:53

بعد رب العالمين مش انت احسن تفتكر ان انت ما اصل الناس دي عايشاها. عايشاها مش آآ قاتل المئة آآ اسمه ايه ده في قصة الراهب لما ربنا رد بصر الوزير بتاعه فدخل فلakah بيفتح وبيشد الكرسي وبيقعد فيبيقول له ما ترد عليك - 00:54:06

قال ربى قال اولك رب غيري؟ هو في ده مجانين يا عم! ده عايشها. زي بالضبط ماشطة بنت فرعون الكوافيرة بتاعة بنت فرعون بنت فرعون بالكوافيرة بتاعة احدثها نعلها فوقع المشفى تقول باسم الله قالت لها الله ابى انت بتقولي باسم بابا - 00:54:26

بابا مين يا بنت انت عايشة في المريخ ولا عايشة فين؟ الناس دي عايشاها. فاول ما يقول امنا برب العالمين اه انت رب موسى وهارون دي كانت الخبطة - 00:54:46

قال فرعون امنتكم به قبل ان اذن لكم فاهم حاجة الناس دي مش موجودة معنا اصلا في الدنيا. قبل ان اذن لكم يعني انت عارف اللي بيقول في الاخر من انت؟ امنتكم به قبل ان اذن لكم. يا اخي انت لو حليت - 00:54:56

سلطان على الاجساد لك سلطان على القلوب؟ يعني انت رافض ان القلب يرتعش حينما يلمسه نور الايمان الا لما يستأذن منك امنتكم وهو مش عايز حاجة في الحياة تحصل من غير ازنه. امنتكم به قبل ان اذن لكم ان هذا لمكر مكرتموه في المدينة. تخرجوا منها - 00:55:13

اهلها ده مخطط سياسي من اجل ان انتم تبوزوا كل البتاع اللي بيحصل ده انتم عايزين تبظوه بقى سوف تعلمون سرعة بديهية مزهله عقيرية. ده عمل الخطة واحتارها او كان مرتب لو حصل حاجة هي عمل ايه؟ فسوف تعلمون - 00:55:33

لاقطعن ايديكم وارجلكم من خلاف. ثم لاصلبنكم اجمعين. قالوا انا الى ربنا منقلبون امام ينتصر مشهد نصر النصر مش انك انت تنتصر في معركة. النصر انه ما قدرش يزح حرك عن عقیدتك. النصر ان هو جاب - 00:55:53

اخراج وانت لسة واقف على على جبل السبات. في الاتصال بالله سبحانه وتعالى. النصر انهم عملوا كل الشهوات وانت واقف على دين ربنا مصمم الا ترضي الا الله. لن نؤثرك على ما جاءنا من البيانات. والذي فطرنا في قول من الاقوال والذي فطرنا ان يقسمون بالله. وفي - 00:56:13

قول والذي فطرنا معطوف اي لن نؤثرك على ما جاءنا من البيانات ولن نؤثرك على الذي فطرنا. لن اي شيء واي احد على الله سبحانه وتعالى لاقطعن ايديكم وارجلكم من خلاف. مش لاقطعن اقطعن يعني الايد اللي هتقطع هتقطع على تلاتين اربعين مرة - 00:56:33

ها ومن خلاف يعني نص يتقطع ايد والنص الثاني يتقطع رجل. فيبقى ايه؟ من خلاف. ثم ده انت فاكرين ده اخر؟ ده اللي على اصلببكم اجمعين كلكم كده انت سامعين واحد ولا ايا ما كان على نخل كده وكل واحد هيتعلق على نخلة وهيتصلب. قدام الدنيا كلها - 00:56:53

وتتسابوا كده تنزفوا لحد ما تموتوا قدام الناس كلها. فرعون بقى جاب اخره بقى. الايمان ينتصر. اصل ايمان الناس دي فضيحة انت عارف زي ما فجأة تلاقيها مغنية مشهورة مسلا تتوب ولا مسلة مشهورة تتوب ولا هم ليه بيتفزعوا التائبين؟ لان فضيحة. ما هو - 00:57:13

بيقول للناس دي اجمل حياة. وانا الز عيشة وامتع حاجة. وهي دي الدنيا. وعيشي حريتك. فلما حد دخل بيبيت السحر ورجع قال لا الله الا الله الله! الثاني بيترعب! لانه اتفصح! لانه هيطلع يفضح ان من جوة ما فيش حاجة اصلا غير الهم والغم! والعياذ بالله! فدي

عنا ايديكم ورجولكم من خلاف ثم لاصلي بينكم اجمعين. قالوا انا الى ربنا منقلبون. احنا كده ميتبين نموت واحنا مع ربنا. غير ان الى ربنا منقلبون لو احنا صبرنا يا بخط اللي هيصبر عند ربنا لما يقابل ربنا. غير ان الى ربنا منقلبون - 00:57:54

القول الثالث بقى في يوم من الايام الوضع هيتغير. واحنا وانت هنقف قدام ربنا وهيتعمل محاكمة تاني بس في عدل ربنا سبحانه وتعالى. فاعمل اللي انت عايز تعمله في الدنيا. خد بالك انك هتتحاكم عليه في الآخرة - 00:58:12

وان احنا بيمنا لقاء تاني قدام ربنا في الآخرة قالوا انا الى ربنا منقلبون وما تنقب منا. الا ان امنا بآيات ربنا لما جاءت احنا عملنا ايه الا ان امنا بآيات ربنا لما جاءتنا. ربنا افرغ علينا صبرا. عارفين فرعون بقى احب افرغ. يعني انت عارف علينا كده. افرغ - 00:58:28

وتوفنا مسلمين ارزقنا الثبات على الدين. حتى الممات ننهى بقى ننهى دي ويا اما نكمل المرة الجاية نفس الآيات يا اما بقى ندخل في ايات تانية كان نفسي اكمل بصراحة لان قصة موسى باهرة يعني - 00:58:49

يعني بالزات في صورة آآ الاعراف يعني وما تنقم منها. وقال الملا من قوم فرعون. المشهد الكام الرابع المشهد الرابع اجتماع سري تاني. وقال الملا من قوم فرعون اتذر موسى وقومه - 00:59:08

ليفصلوا في الارض. اتنين ويدرك ثلاثة والهتك. قال سقتل ابناءهم ونستحي نسائهم وانا فوقهم قاهرون. اللي حصل هنا ايه؟ ابن عباس يقول في زاد المسير يومها اسلم لموسى ستمائة الف انسان - 00:59:26

جولة ستمائة الف واحد دخلوا في دين ربنا بسبب جودة. جولة واحدة. ستمائة الف بقى فيه حركة شعبية للعودة للدين لتدبر والالتزام بدين ربنا. وموسى مسل بالنسبة لبني اسرائيل عودة الامل. ما ينفعش المولود ده يتولد. المولود اللي اسمه عمل ده لازم - 00:59:46

اتقتل اول ما يتولد. لازم يوصل للناس كلها ان ما فيش حاجة اسمها امل. لا امل ولا عمر. عشان كده آآ قال ابناءهم ونستحي نسائهم وان فوقهم قاهرون. لازم كل زرة امل طلعت في قلببني اسرائيل. ان الوضع ده ممكن يتغير تتقى - 01:00:07

بالقهر اللي يخليلهم يوصلوا ان ما فيش فايدة. وما فيش امل على الاطلاق. فدي كانت قال الملا من قوم فرعون اتذرون موسى وقوما ليفسدوا في الارض هييظروا الدنيا ده ناس مفسدين. مفسدين في ايه؟ ويدرك دي اللي في النص. والهتك هيسيب - 01:00:27

وهيسيب راحة وبتاع وما عدش هيقدم القرابين لالله الناس هي الحقيقة لا الاولانية ولا الثالثة. الحقيقة اللي في النص الحقيقة ويظهرك الحياة ان انت ما عدش هيبي لك كلمة على الناس دي. الحقيقة ان انت ما عدتش هتعظم في قلوبهم ما دام الناس دي رجعت لربنا. هي دي الكلمة اللي جت في - 01:00:47

زي فرعون كده دايما اهل الباطل يحاول يزين كلامه بس لازم يقع في النص غصب عنه. فارسل فرعون سورة الشعراة فارسل فرعون في المدائن واحد ان هؤلاء لجرذمة قلبـون. اتنين وانهم لنا لغائطـون. ثلاثة وان لـجمـعـ حـذـرـونـ. ان هـؤـلـاءـ - 01:01:10

وناس بتوع عشوائيات انا لجميعـهمـ حـذـرـونـ خـطـرـ الـارـهـابـ بـقـىـ وـعـلـىـ الـعـالـمـ.ـ الحـقـيقـةـ انـهـ لـنـاـ الحـقـيقـةـ هـنـاـ وـيـذـرـكـ وـهـمـ هيـضـيـعـوـهـ كـمـانـ ماـ هـوـ اـنـتـ هـتـسـكـتـ اـحـناـ مـشـ هـنـسـكـتـ.ـ ماـ اـنـتـ مـشـ آـفـطـبـعـاـ دـهـ قـصـةـ.ـ قالـ - 01:01:30

سـقـتـلـ اـبـنـاءـهـ وـنـسـتـحـيـيـ نـسـاءـهـ وـاـنـاـ فـوـقـهـمـ قـاهـرـونـ.ـ قالـ مـوـسـىـ لـقـوـمـهـ اـسـتـعـيـنـوـ بـالـلـهـ وـاـصـبـرـوـ نـقـفـ عـنـدـ هـذـاـ باـذـنـ اللـهـ سـبـحـانـهـ وـتـعـالـىـ نـحـاـوـلـ اـنـ اـحـناـ نـكـمـ بـقـىـ الـرـمـةـ الـجـاـيـةـ باـذـنـ اللـهـ.ـ نـسـأـلـ اللـهـ سـبـحـانـهـ وـتـعـالـىـ اـنـ اـهـيـ جـعـلـ الـقـرـآنـ الـعـظـيمـ رـبـيعـ قـلـوبـنـاـ اللـهـمـ اـمـيـنـ.ـ عـاـيـزـيـنـ بـقـىـ - 01:01:50

النهاردة واحنا بنقرا نسمع الجزء التاسع كده نسمع بقلوبـناـ وـنـعـيـشـ معـ الـاـيـاتـ وـنـفـهـمـ وـاـنـتـ حـاـوـلـ لـحـدـ صـلـةـ التـرـاوـيـحـ تحـضـرـهـ وـتـقـرـاـ الـجـزـءـ كـوـيـسـ وـتـقـرـاـ الحـزـبـ الـاـولـانـيـ الليـ مـسـلـاـ فيـ التـرـاوـيـحـ كـوـيـسـ اوـيـ لـوـ اـنـتـ هـتـصـلـيـ بـجـزـءـ تـقـرـاـ جـزـءـ كـوـيـسـ.ـ يـعـنـيـ حـاـوـلـ اـنـكـ اـنـتـ يـعـنـيـ تـجـعـلـ صـلـةـ التـرـاوـيـحـ دـيـ لـحـظـةـ فـارـقـةـ - 01:02:10

وـفـيـ الـيـوـمـ هـيـ لـحـظـةـ الـامـتـحـانـ لـحـصـادـ اـقـبـالـكـ عـلـىـ الـقـرـآنـ فـيـ آـبـقـيـةـ الـيـوـمـ.ـ اللـهـمـ اـجـعـلـ الـقـرـآنـ الـعـظـيمـ رـبـيعـ قـلـوبـنـاـ وـجـلـاءـ

احزاننا وذهاب همومنا. اللهم اجعلنا من اهل القرآن الذين هم اهلك وخاصتك. اخواني واحبابي في الله. ان شاء الله احنا ب nefster في

المسجد مع بعض - 01:02:30

كده حاجات سريعة كده. ان شاء الله بازن الله من اراد ان يمكث بقى ويبقى انتزاز الصلاة بعد الصلاة. فذلكم الرباط فذلكم الرباط
فذلكم الرباط. المرابطون في رمضان ان لم ترابط في رمضان في بيوت الله فمتي سترابط؟ نسأل الله ان يعيننا على ذكره وشكره

وحسن عبادته سبحانك الله وبحمدك اشهد ان لا الله الا انت - 01:02:50

استغفرك واتوب اليك - 01:03:10